

Der Andere Theil des Adelspiegels.

Was Adel mache/ ziere/ vermehre vnd erhalte:
vnd hinwider denselben schwache/ verstelle/
verunehre vnd veracht
mache.

In Ersten Theil dieses Adelspiegels ist in gemein vom Adel/ das ist/ von alle dem/ das seiner tugend/güte/krafft/stercke/ Summa des Ersten Theils des Adelspiegels.
nutzes/ oder dergleichen vmbstende oder eigenschafften halben/ für andern ein ansehen/ autoritet vñ vorzug hat/ vnd was in der gestalt Adel heisse/ vnd wie mancherley auch solcher Adel sey/ gnugsam vnd nach der lenge berichte geschehen/ Vnd demnach von allerley Adel/ erstlich vom Geistlichen/ Theologischen/ Christlichem/ darnach vom Natürlichen/ vnd dann lezlichen auch vom Politischen/ vnd allerley art derselben/ als erblichen oder angeboren: Item/ gegebenen/ geschenkten vnd woluerdieneten: Item/ mit gewalt oder listiger weise zu wegen gebrachten: Item/ erkauften/ angekauften/ vermeintem Adel gesagt worden: Dabey dann also auch des Tugend Adels/ Kriegs Adels/ Velt/ Gut vnd Reichthums Adels/ auch allerley Amptadels: Item/ des Belarten/ weisen/ geschickten/ Kunst vnd Günstadels/ auch des Glück vnd Stern Adels gedacht worden: Desgleichen darnach in sonderheit der hohen Stände/ als Keyserliches/ Königliches/ Fürstliches/ Gräffliches: Item/ allerley Ritterliches Adels: Lezlich auch des Geistlich genandten/ Päpstlichen/ Bischofflichen/ Cardinalischen/ Pfäffischen vnd Mönchischen Adels: vnd zum beschluß/ auch des Weiblichen Adels. Woher nun ein jeglicher solcher Adel komen/ seinen vrsprung vnd ankunfft habe/ vnd wie es vmb einen jeden geschaffen/ ist alles nach der lenge vnd ausführlich erzelet worden.

Nu aber kome ich widerumb zu dem Politischen/ vnd in sonderheit zu dem Erb/ Geschlecht oder Blutadel/ wie man denselben pflege zu nennen/ vnd dauon wil ich nu Erb oder Blutadel.
förder schreiben/ woher derselbe fürnemlich rhum vnd chre habe/ Als von dem Namen Adel/ vnd desselben bedeutung/ auch seinen herrlichen Ehrentiteln: Item/ wegen seines vrsprungs vnd anfangs/ Auch seines mancherley vorzugs vnd ehlichen alters halben/ Vnd wie dieser Adel durch viel vnd mancherley schöne herrliche tugenden/ gegen Summa des Andern theils des Adelspiegels.
Gott/ gegen obere vnd vntere/ gegen das Vatterland vnd gemeinen Nutz/ den Nechsten/ Freunde vnd Feinde/ vnd durch vielfeltige herrliche redliche Thaten gezieret/ geschmückt/ lieb vnd werth/ hoch vnd gros gemacht wird: Vnd dann auch/ wie er hinwider durch mancherley schendlichen mißbrauch derer gaben/ mache/ güter vnd andern vorzugs/ damit Gott diesen Adel gezieret/ desgleichen durch vielfeltige Sünde vnd vntugend/ schande vnd laster/ heftlich geschwecht/ grewlich geschendet/ vñ an denen selbst/ die hiezu schuldig (wie hoch vnd Edel die auch gleich sonst geboren) zum schendlichsten verkleinert/ geunehret/ vnd verachtet gemacht wird.

A

Das